


雲谷臥齋
淮



庫	文	閣	內
三	九	漢	
口	七	書	
函	三		
二	二		
五	號		
架	冊		

三之八

內閣文庫	
番號	漢 9732
冊數	4 (2)
函號	307 268




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





雲谷卧餘卷三

淺草文庫



古歙張習孔著

北征南山詩優劣


杜子美北征韓退之南山當時以二詩競美莫定

優劣黃山谷謂論工巧北征不及南山若書一代

之事以與國風雅頌相為表裡則北征不可無而

南山雖不作未害也二詩之論遂定余謂此說非

矣南山與北征各為一種何可相較蘭亭真蹟與



八駿孰羨周鼎商葵與西湖孰貴雖有智者不能
辨也東坡謂北征詩識君臣大體忠義之氣與秋
色爭高此就北征論北征耳豈凡作詩者皆必填
入君臣忠義語乎如以南山無忠義語非一代事
遂遜北征則十九首文選可棄者多矣余謂北征
徒以哀苦之語為世所憐若以詩論則子美不能
及退之而退之不屑為子美也南山奇麗秀特百
出不窮後人不能更增一語且首尾一韻用字穩

潔不俚拙不雜亂豈北征之可儼哉北征隨意泛
演茫無收拾用韻雜亂後人可以再增數百言亦
無窮盡一代之事自有史書北征不作豈遂無傳
哉如子美自京赴奉先詠懷詩中間用入驪山景
物雜用質物月曷點屑六韻雖長至五百字亦何
難乎倘驪山之後又引他山別水卽千字數千字
亦不止耳至于南山詩首尾結構完密卽欲增數
語而韻字盡矣君臣忠義以之論人品可也若詩

則當較工拙比純雜叩音節之清濁考字句之俚
典豈徒以忠義紀事駕勝乎此北征南山優劣之
辨也

杜甫江亭詩

子美江亭詩云坦腹江亭暖長吟野望時水流心
不競雲在意俱遲寂々春將晚欣々物自私故林
歸未得排悶強裁詩余謂子美心意不以物牽且
見萬物皆欣々自得此有道之言也乃未云排悶

強裁詩然則其心意尚有未釋然者而前詩亦有
所矯強乎作者此等處最宜檢點略自矛盾便減
身分

溪流燕尾悞

宋人詩云山勢蜂腰斷溪流燕尾分以為佳句而
不知其無此理也溪水有異源合流者矣寧有一
源而岐為二流者乎大江中大小姑山並金焦其
流雖分而下即合不可謂之分也若嘗吳淞河剛

力

縱橫如織不可謂之溪也唯運河受諸泉至分水龍王廟則以人方決之使三分歸南七分歸北然亦上流直末而下以橫河受之無燕尾者拈出以訂其悞

惠非已出

末句

宋光宗登極詔赦凡民間所欠債負不以久近多少一切除放遂有方出錢旬日未得一息而并本盡失之者杜子美茅屋為風所破詩難得水旬云

足

吾廬獨破受凍死亦是不然是以非所有之物行惠與光宗之赦同矣一人病劇醫謂其子曰吾術已殫或君能剗股庶可瘳耳曰是何難時暑月有祖卧于門者操刀割之卧者驚走子曰勿異也割股救親天下義事

祖

真宗勸學詩

宋真宗勸學詩富家不用買良田書中自有子鍾粟安居不用架高堂書中自有黃金屋出門不恨

千

無人隨書中車馬多如簇駁壽莫恨無良媒書中
有女顏如玉男兒要逐平生志六經勤向窓前讀
余謂此言不可為訓夫千鐘粟黃金屋與夫車馬
羨玄從何得未是必措剋小民嚙權怙勢而致此
也且男兒生平之志豈在居食逸慾乎人君以此
勸學不但壞却士心亦枉煞六經矣

邵康節詩

邵康節詩月到天心處風來水面時後世傳誦予

謂處字未穩天心即處也當云月到天心際

象棋

象棋古無稱者唐歐陽詢藝文類聚謂周武帝造
象戲載王褒象徑序及庾信象戲賦詳考其文似
另有一種戲具非今之象棋也而詩學大成竟以
象戲為象棋悞矣惟劉後村詩則今之象棋也詩
曰屹然兩國立限以本河界連營稟中權四壁設
堅械三十二子者一一俱彘熊先登若挑敵分布

若備塞或遲如圍莒或速若入蔡遠砲勿虛發
卒貴精汰負非由寡少勝豈係強大昆陽以象奔
陳濤以車敗匹馬郭令未一士汲黯在獻俘將策
勲得雋象稱快詩亦古秀可喜

象棋車馬

象棋中車當稱馬之當稱車蓋馬之為物騰踔無
前縱橫如意車以輪轉邪施而行從日字格正轉
輪象也有物礙之則不行尤肖車義應是後世彼

此相訛

子厚蘭亭詩

詩韻四豪部止百字柳子厚近南亭詩已用七十
韻固為能矣其插糟字有曰退想於陵子三咽資
李膺此句實蹇拙予借易作咽李分躋糟似為少
勝又詩中重用曹字寧期簿書曹以子厚之能猶
有此失固知作詩不可不淘鍊也

退之用韻

至 司

古今詩人用韻之妙莫過于韓退之十六諫部止
三十四韻退之剛崔十六概伊陽已用三十韻所
遺靦禰潛較四韻耳三江部止二十七韻退之病
中贈張十八已用生十二韻所遺疋龙艘繫泮五
韻耳若其所用險韻天巧自然讀之不覺更有作
者莫與並矣如贈本無用感韻苦寒用塩韻縣齋
有懷用禡韻別竇可直用埃韻薦士用號韻喜侯
喜玉用豔韻語之妙絕頌詩者不觀其用韻豈知

古 點

其難哉若城南與孟郊聯句用八庚韻之書止一
百五十字此詩更多三韻實為博碩但篇末用韻
多勉強不如少用數字之為愈矣余有登觀象臺
詩盡八點一部不敢謂佳亦欲後人觀用韻至盡
庶以見吾之用心耳余又有七言二風數篇用韻
亦少有薄致暑夜舟行用江字十七韻春日偕鄭
受之用覃字二十九韻遊邦園次日用江字十九
韻寓廣陵飲西曲用刪字十九韻具時一吟豐州

邪一作邪

等集願以質諸有道

鳳凰臺詩

李太白鳳凰臺詩古今人稱為絕唱無敢異同者
予獨不解即其全篇論之起語固無奇矣項聯亦
殊平之皆人所能為者其最佳者則在三山半落
青天外一語而對句又不稱在人耳食未之思耳
試細思之白鷺洲何可對青天外且二水中分白
鷺洲意亦未清蓋白鷺洲在江中江至此分為兩

未青

白

兩

天倪子按二水中分之二字恐一字之訛今坊本皆作二故致紛說耳太白受誣於今載之下可謂冤予不可以鉗點焉

故云即是思之對意全不合矣末二句頗得詼咏之體然亦人所不能為也

退之送文暢詩

韓退之為四門博士時有送浮屠文暢序謂吾徒嘗告之以二帝三王之道蓋欲援墨以歸儒也後數年有送文暢詩追述前序且謂今當聖政之初恩及禽獸胡不自反而瓢戾以逐異類意與序同至末篇云僕射領北門威德壓胡羯相公鎮幽都

竹帛爛敷伐酒場舞閨妹獵騎圍邊日開張篋中
寶自可得津筏從茲富裘馬寧復茹藜蕨余期報
恩後謝病老耕垆庇身指蓬茅逞志縱儉獨僧還
相訪末山藥煮可掘若然則前欲引浮屠而歸吾
黨者徒以聲色宴樂裘馬快意而已乎其賢于浮
屠者幾何也至其自序亦非醇篤與序文本旨似
少違異

陸容和韓詩

陸參政容明成化間人有和韓昌黎符讀書城南
韻課子詩云為學固多術窮理其權輿孰為窮理
功究心古人書之中萬理備體驗非空虛欲枚異
時効要之謹其初題橋決富貴駟馬誇鄉閭習尚
已成俗舉古稱相如誰思過庭訓詩禮詢伯魚高
才少忠厚盛德多迂踈童蒙一失養老大成好渠
所以孟氏毋立教東家猪明之君子心太清耀蟾
踪擾之小人欲糞壤趨虫蛆讀書此當辨豈惟德

閩

好

德

逸居聖賢亦人耳汝獨非人歟好書不易致我今
頗收儲力能恣探討覽之日有餘舍此更他好信
爾狂童且良田既已闢及時務芸鉏佇看西成日
千箱輓牛驢無令自鹵莽蒿萊滿秋會吾羊踰四
十茅塞實未除厠身鷓鴣班每愁玷冠裾疲痛不
自振望汝揚名譽開卷坐堂奧游心出郊墟懶惰
苟如此可責過陶舒日月漸逝矣燈牕宜勉諸嚴
師幸不遠勇往毋躊躇此詩實勝昌黎古解知者

特表而出之

改古人字句

揚用脩謂顏延年顏白馬賦戒出豕之敗駕暢飛
鳥之跼衡出字不如突字杜詩大家東征逐子回
逐字不如將字白居易千呼萬喚始出未始字不
如才字詩文有作者未工而後人改定者勝如此
類多有之使作者復生亦必心服也予謂升菴此
言方是知詩者予于古詩未妥者當喜點竄數字

杜

姑舉社詩言之如重過何氏犬迎曾宿客鳴護落
巢兒上句摹寫絕妙下句非但不稱亦泛而無謂
予改為童見音現昔提兒贈汝陽王硯寒金井水簷
動玉壺冰他處用動字多佳如瓜連西極動之類惟此未穩
予改動竹湛高都獲驄馬行雄姿未受伏櫪風猛
氣猶思戰場利夫伏櫪有何恩當云資巨恩夏日
李公見訪巢多衆鳥喧葉密鳴蟬稠苦遭此物貽
孰謂吾廬幽物字不如曹字蘇端薛復筵醉歌千

作恩

升

里猶殘舊冰雪百壺且試開懷抱開字不如今字
初月微并古塞外已隱暮雲端蔡夢弼曰上句喻
肅宗即位靈武下句喻肅宗名張皇后李輔國所
蔽予謂無論其有喻與不總是一已字不穩遂失
忠厚當改作薄字秦州雜詩叢篁低地碧高柳半
天青低地不如平野者樹空庭得清渠一邑傳得
字不如守字遣興地卑荒野大天遠暮江遲大字
予改隔字寄高適岑參劉表雖遺恨龐公至死藏

老

供

漏

予改遺恨作生購太平寺泉取借十方僧香羨勝
 牛乳牛乳豈香羨物易牛為酥或差渾融遺意雲
 掩初弦月香傳小树花掩字不如滿字江亭水流
 心不競雲在意俱遲寂之春將晚欣之物自私在
 字不如淡字寂之不如浩之送嚴公入朝四海猶
 多難中原憶舊臣猶字不如傷字送梓州李侯君
 老思筇竹杖歸要錦衾眠杖字固作虛字看然何
 不易作倚字或拄字要字亦嘗改作憶字客夜入

注

簾殘月影高枕遠江聲入字不如徹字冬狩行喜
 君士卒甚整肅為我回書擒西戎為我不如願為
 闌山歌松浮欲盡不尽雲江動將崩已崩石已字
 不如未字寄司馬山人有時騎猛虎虛室使仙童
 有時予改作暗山別常徵君白髮少新洗寒衣寬
 總長總字不如更字懷錦水居止層軒皆面水老
 樹飽經霜予欲以饒字易皆字八哀詩寂寞想土
 階未遑等其韻江土階荒也予謂堯德之可想者

日

人

永山

多矣土階何是槩竟何不日想欽明且等字何不
 作友侶效慕字此非故為新奇也蓋耄荒而致生
 硬耳園人送底食新先戰士共少及溪老共字不
 如分字晚暗江虹明遠飲峽雨落餘飛落字與飛
 字畢竟犯重不如作澹餘飛秋日夔府咏懷峽東
 滄江起巖排古樹圓排字不如摩字草閣魚龍迴
 求夜星月動秋山迴字不如吟字又四更由吐月
 殘夜水明樓塵匣元開鏡瓜簾自上鉤吾謂本意

輿

當是塵鏡元開匣總是元字不清吾欲易作塵鏡
 初開匣天池詩天池馬不到嵐壁鳥終通馬字不
 如人字向夕鶴下雲汀近雞栖草屋同近字不如
 獨字行次古城店自屋花開裡孤城麥秀邊裡字
 不如際字樓上皇輿三極北身事五湖南身字不
 如生字人有問予者曰詩至杜甫止矣子反為之
 改易耶予笑而不荅他詩予皆有改者舉此可槩
 其凡也

聯句

聯句始于栢梁至韓孟而大暢城南一題至八
庚部韻固為難矣然未篇多蹇語蓋前人不肯留
韻為後人地故後韻愈少則語愈難其勢然也聯
句詩必終篇後再為通融改易部位次序始可成
章率爾成之不能善也吾觀高啟張憲觀舞劍聯
句無字不工無語不敵且起止次第規格天然此
必既成後復加改竄乃能如是謂為初藁者不信

也詩錄如後晚陌息鳴鑣憲秋城起嚴柝登堂欣

有會啟顧座歎無樂豪賓奉觴壽憲壯士掉箭作

韻生颺拂鐔啟文綴星輝錫拭土色總動憲映火

光轉燦寒瀉走澗泉啟明懸溜簷澤徒誇刀瑩膏

憲謾詫七淬菜腥疑人血乾啟威畏鬼踪鏖雄聞

莊子說憲醉想王郎斫聯翩倏鴻騫啟奮迅仍雀

躍末如龍出淵憲去若蛇赴壑疾驚雷破山啟怒

訝爪捲漠初馳帆縱張憲忽汪腎弛曠陰陽變開

屋

摸博

霄

做

日

闔啟 潮汐隨進卻高部赴節同憲奇形分狀各斜
 迴象翼蔽啟曲踊肯拏攫歛驚四方帝憲凜怖東
 海若星翻散紛綸啟地啟勢揮霍亂思突騎奔憲
 低見饑隼掠旁分萬夫斷啟前拉千槍拓出堪劫
 齊壇憲立可當蜀閣澤聞蛇嫗啼啟路遇依翁博
 斬關豁然判憲擊柱鏗爾著陸疑濤涌床啟宵駭
 虹闌幕警樓已翻翻憲墜槁戢索之顛旭曾悟書
啟俠軻記爭博日花匪酒酒憲膚粟似裘薄忠美

氣盡張啟奸邪膽俱落不從玉玦計憲欲定銅臺
 約未教大娘強啟終勝處女弱季路袖手欽憲裴
 吳汗顏作疾視誰敢當啟不成我慙學勇夫怒生
 瘦憲恐僕戰成瘡功收刺虎奇啟志感聞鷄惡暫
 停月徘徊憲既罷天寂寞崆峒詎必倚啟氛稜衍
 可廓馘妖正思今憲斷倭猶慕昨會合同有期啟
 死生良欲託寧憂武庫災憲但俟凶門鑿慷慨勿
 悲歌啟淋漓且酣酌憲

步檐

揚用脩解杜詩步蟾倚杖看牛斗蟾是檐字俗悞
作蟾引楚辭大招司馬相如賦陸倕鍾山詩沈氏
滿願詩援證甚博今觀其詩曰露下天高秋水清
空山獨夜旅魂驚踈燈自照孤帆宿新月猶懸雙
杵鳴南菊再逢人臥病北書不至鴈無情步蟾倚
杖看牛斗銀漢遙應接鳳城予謂此詩山中作耶
抑舟中作耶用脩未嘗言及也此而弗究何喪不

能三年而總功是問乎據步檐字洵非舟中作矣
獨何以處夫孤帆宿之句豈帆字亦如蟾字之訛
耶乃踈燈言於水則宜於山則不宜如江楓漁火
對愁眠是也又似非悞然帆當暮則收無張帆而
宿者又似有悞抑子羨淵博帆字或有別解非舟
中之帆耶惜無能起用脩而質之或曰此詩蓋在
山中而下見河船燈火而作也予謂山若濱河而
為泊舟之所是今之所謂埠頭矣此而謂之空山

將夜不但不合意尤傷雅存疑可也不得曲徇而

為之說

中之師

師學又

博覽

博覽

博覽

博覽

雲谷卧餘卷四

古歛張習孔著

舊唐書

舊唐書石晉時劉昫撰五代捨攘文氣卑弱是以

宋慶曆中詔翰林儒臣重修之以歐陽文忠宋景

文領其事當時稱其闕博精與度越諸子故朝野

尊信迄于後世而昫書遂廢然予考昫守司空當

晉末帝其時國步阽危官守遷易非無事時也未

陸

雖

幾而晉亡昉乃能于數年之間勒成鉅編難文采少遜于歐宋以視兩公之從容裁鍊成于十七年之久尤為難事矣由此言之謂昉才實優于歐宋豈為過歟至于詔令所載一代王章備焉新書盡為刊削轉以事增于前文省于舊為羨至使朝廷典故藩鎮情形有雜見于詔令者多所遺漏固不若昉書之為愈也劉元城謂事增文省正新書之失其亦以詔令之不當省乎五代史昉傳不載修

史

唐書事文徵仲疑其書出于一時史館而昉特以宰相領之故無稱焉予謂不然或者歐陽既成新史遂不欲舊書之復聞於世故略之未可知也不然傳於昉仕唐時固紀其監脩國史矣昉一生事業無大於唐書者向一紀而一略也廿一史既列齊梁魏周等書而復有南史北史史事貴備不妨重出沓見也今蓋並收舊唐書稱為廿二史不亦可乎

容齋論幽風詔

張文潛云詩三百篇雖云婦人女子小夫賤隸所
為要之非深於文章者不能作如七月在野至入
我床下於七月以下皆不道破直至十月方言蟋
蟀非深於文章者能為之邪洪容齋曰七月在野
八月在宇九月在戶本自言農民出入之時耳鄭
康成始并入不句皆指為蟋蟀正復不然吾謂文
潛之說固悞而容齋乃指為農夫出入之時則并

下

文理亦不通矣章首五月斯螽動股六月莎雞振
羽則自六月而下皆承莎雞而言何嘗不道破耶
至于上有莎雞下有蟋蟀中間三句乃為農民則
真所謂不道破矣揆之上下文氣豈其然乎

奠雁

自虎通曰贊用雁取其隨時南北不失其節明不
失女子之時也儀禮云昏禮用雁取其順陰陽往
來之義昏禮曰贊不用死故詩云雍雍鳴雁言雁

執

料

生而後德具也六經天文編云雁得中和之氣熱則卽北寒則卽南以就和氣爲禮幣者一取其信一取其和也雉弱戾日親迎執雁先儒謂取不再偶之義竊恐未然蓋古重冠婚婚禮旣以士而用大夫公服墨車則見婦翁亦用大夫執雁禮耳若謂始親迎遽預科將來如孤雁永不再偶可謂祥乎予謂雉說不預期以不祥善矣其謂婚見婦翁用大夫禮非也昏禮賓見主人亦執雁豈亦用大

夫禮乎考儀禮自納采問名納吉請期親迎凡五用雁夫雁非時有之物而生篡尤爲不易使昏禮而必需是則天下之不得妻者多矣昔謂鶩爲家雁又爲舒雁以理推之是鶩何疑若然則順時南北之說猶爲無當矧不再偶之云然則用鶩何取愚意贊用禽鳥而家禽之大者惟鶩用大禽致敬也鶩不食腥羽毛純白或者取其仁與潔歟記此質諸明者

孝慧鶯

予觀寰海記唐天寶末德清縣沈朝家母鶯抱雛
成創腸出而死其雛仰天號切啣芻艸母前若祭
奠長吁數聲死沈氏埋之名孝鶯塚又兩京記載
淨影寺僧慧遠養一鵝隨遠聽經遠入京晝夜鳴
喚僧徒送至京及門放之自知遠房便入馴狎每
聞講經入堂伏聽若說他事鳴翔而去如是六年
忽一日哀叫庭宇不肯入堂二旬而慧遠卒二事

禪

雖出禪官然鶯性視他禽實馴善則昏禮取此理
較名長

改火

周官四時爇火以救時疾明火不數爇時疾必興
嘗聞晉時有以洛陽火渡江者代々相續火色爇
青以此推之新火舊火理應有異師曠食飯知為
勞薪且炙酒煮菜石炭木炭及文武火性各不同
其明驗矣人知宿水致疾故汲新泉而不知改火

天

特憚煩耳觀宰我之言是春秋尚行之也不知虜
自何時縱民俗不能頓返而尚食去庖當依周制
即無論順時補燮亦師古之一端也

隸書

古所謂隸書即今之真書也今所謂隸書則古之
八分書也秦時衡石程書文字日繁不能作篆之
圓體故變古法而成轉折稜角之形然猶存篆體
八分故謂之八分書未幾即變為今之真書矣以

其為官府徒隸之用故曰隸書然獨施於案牘名
法耳至如秦山繹山等碑則仍用篆至漢章帝朝
并許草書行於官府然其名楷曰楷隸真曰真隸
草曰草隸不離徒隸之名亦以明篆文之為正耳
嘗攷東魏大覺寺碑陰題云銀青光祿大夫臣韓
毅隸書其字正今之真書也故庾肩吾及張懷瓘
六體書論皆以隸為真書自歐陽集古錄以八分
為隸也遂舉漢時石刻皆目為漢隸而別今書為

舊

汪

真書此實悞也千文云杜蘆鍾隸杜度善草書故
 曰杜蘆鍾指鍾繇今繇書皆真文非八分也此又
 可名隸即為真之証
 島聊山碑
 島聊山在吾郡城內一名駐蹕山傳傳明高帝嘗
 駐此故云山有廟祀越國汪公華廟正中豎一石
 橫濶丈許而高止三尺款類卧碑刻榜其上云皇
 帝聖旨江南等處行中書省照得徽州土主汪王

福佑一方載諸祀典本省大軍克復城池神兵助
 順累著威靈厥功顯赫理宜崇敬除已恭迎神主
 於天興翼祠祀外據祖廟殿庭省合行出榜曉諭
 禁約諸色頭目官軍人等毋得於內安歇損壞屋
 宇斫伐樹木拴繫馬匹牧養生畜非理作踐以致
 褻瀆神明如有似此違犯之人許諸人陳告痛行
 斷罪仍責賠償所有榜文須謄出給者龍鳳四年
 七月 日 寶押 碑文皆正楷惟龍鳳四年月日作

都解即

篆書而七月之七又作真書按至正乙未韓林兒
建國號宋紀元龍鳳丁酉七月胡大海取徽州改
為興元府此龍鳳三年也至次年始有是榜郡人
不詳閱年月篆文至今以皇帝名明太祖即知者
亦不鮮年月用篆文之故疑是抑人借皇帝聖旨
字以隆重廟祀而又嫌龍鳳之非真帝故以篆文
亂之一日偶憇廟中詢之主僧元榜見存取視之
紙色昏澁印髣髴莫辨真三百年物也其年號

月是日

乃是板印篆文而空其月上一字俾臨時填寫故
作真書而碑刻遂依其制時林兒分兵西略閩陝
東下青齊而江南之事則委之明祖故頒給空榜
與諸帥得便宜行事耳林兒草竊一時建國凡十
二年遺制解有存者而此碑以神故乃歷代不廢
亦天幸矣

仙家歲月

千

世傳得仙者山中方七日世上已千百年若然縱使

天

活一萬年僅得七十日耳人亦何樂而求仙哉列
仙傳又謂仙家一日是人世一年以此計之則萬
年者亦當未滿三十歲視顏回猶為入促矣况如
鍾離藍呂輩迄今猶未及萬年也
晉不怠君
春秋成公九年晉人執鄭伯鄭公孫申謀之曰我
出師以圍許為將改立君者示晉不怠君也明年
鄭伯歸按春秋時已有此等計畫漢高本此故歸

大公宋高遠此故亡二聖

左傳文累

左氏之文句有數言居要辭簡意自足稱佳絕乃
於下復綴以演說轉令人厭如齊侯將納鄭太子
戴管仲曰君以禮與信屬諸侯而以奸終之無乃
不可乎辭意已足而下多子不好父一段轉贅秦
用孟明趙成子曰秦師又至將必避之懼而增德
不可當也下語俱贅可刪使駢不報賈季曰夫子

刪

侯

禮於賈季我以其寵報私怨無乃不可乎下贅介
人之寵一段季文子出莒僕曰見無禮於君者如
鷹鷂之逐鳥雀也故自名言下之演說轉繁瑣可
厭季孫患盜武仲曰子召外盜而大禮焉何以正
吾盜下復曰子為正卿而末外盜使訖去之將何
以能何繁複如是范宣子曰叔向人皆擬梁王鮒
能救之叔向日必祁大夫梁王鮒從君者也何能
行祁大夫外舉不棄讐內舉不失親其獨遺我乎

壞

下贅有覺德行四國順之夫子覺者也三語何益
子產諫范宣子重幣曰諸侯之賄聚於公室則諸
侯戴若吾子賴之則晉國貳諸侯貳則晉國壞晉
國貳則子之家壞何沒之也辭爽意切下之衍說
轉迂泛晏子不受邑曰慶氏之邑足欲故亡吾邑
不足欲益之以柳殿乃足欲足欲亡無日矣非惡
富也恐失富也語極透徹何必再贅且夫富一段
叔向稱子產曰辭之不可已也如是夫子產有辭

趙

諸侯賴之如此而止何等古階虢之會祁午請趨
文子戒楚對曰武將以信為本循而行之譬如農
夫是穡是菽雖有饑饉必有豐年且吾聞之能信
不為人下吾未能也下語之繁衍皆贅晏子訊景
公省刑君子曰仁人之言其利博矣即此已足多
贅何為韓宣子適楚之尤弗逆公子棄疾及晉境
晉侯亦將弗逆叔向曰楚辟我衷柰何效辟二語
極簡明又贅詩書兩段反似賣聽于產距韓宣子

子 侯 人

大

諸環曰夫大國之人令於小國而皆獲其求將何
以給之一共一否為罪滋天下復贅曰大國之求
無禮以斥之何饜之有亦是蛇足齊侯與晏子飲
酒樂公曰古而無死其樂何如晏子曰古而無死
則古之樂也君何得焉絕妙名言刪去爽鳩氏以
下豈不更涵蓄有味他如楚夫人鄧曼對君曰夫
固謂君訓衆而好鎮撫之三句即上文其謂君撫
小民以信三句諸如此類不可悉舉孔子曰辭達

而已矣已者止也為文者固妙於能行尤妙於能
止
佛狼機
今之砲名曰佛狼機人多不解其義近閱籌海圖
編始知佛狼機國名非罟名也明正德間顧僉憲
應祥署海道有大舶二直至廣城懷遠邑稱佛狼
機國入貢使者名加必丹時武宗南巡夷使羈會
同館一年後遣去因遺此製遂以地名罟如驢稱

衛龜名樓句也

坎離義相對

者
離卦從來作附麗解看卦義太陋坎離陰陽之正
性附麗有何深旨聖人乃名立一卦乎愚謂麗字
當作光燦鮮明之解蓋坎水則陷離火則明此最
顯而可據者况彖象六爻只有明義絕無附美作
附麗者不知何據序卦陷必有所麗謂險陷之極
必復屬光明其理甚大作附麗淺矣彖傳若曰離

者燦麗之義也燦麗而不本於貞恐為過明之察
今觀日月必燦麗於天有大德為之敦也百穀草
木必燦麗乎土有厚德為之蓄也人之重明燦麗
亦必原於道德之正則文明之化成矣麗乎正而
化成則貞而亨矣何以又曰畜牝牛蓋二以柔德
為明而出之以中正之道也夫離麗之明疑於英
察乃二以柔為明且其明也不明以偏私而明乎
中正皆順道也是以畜牝牛吉象辭無論已六爻

黃離以中為明也其離明不久也離王公者明乎
王公之道也附麗之義從何挿入

狼筋

嘗見小說載一富人內室亡金詰群婢不承欲買
狼筋治之一婢驚懼欲逃遂獲予不知狼筋何物
且何以能察盜一日偶閱續博物志曰唐武宗四
年官市郎中有疑為狼筋者有老僧云貧道昔曾
以一千於買胡市得三枚狀如巨蝻兩頭光帶黃

李石唐人張氏
何以既終至此

色涇帥段祐宅失銀器十餘集奴婢環庭炙之蟲
懼動有一女奴臉唇潤動乃竊器者云乃知作小
說者淹博乃爾人不讀書雖小說亦有所不曉學
可已乎哉續博物志稱晉李石撰然中載有南
唐元宗事及間寶年號豈晉人而至宋尚存書或開
成于宋代歟

攢喪

郭法與堪輿之書自帛璞葬經外毋慮充棟然皆論葬注

考

徵

未有言攢厝者今葬事日增而吉地日少不得已
皆權攢以需之不知始自何時嘗者宋史紹興十
二年徽宗梓官還自金禮官程敦厚上言仍攢官
之舊稱則莫能示通和之大信用因山之正典則
若忘本國之後圖臣以為宜勿徇虛名當示大信
工部尚書莫將等乃言太史稱歲中不利太葬請
用明德故事權攢從之于是攢于昭慈皇后攢官
西北五十步昭慈者哲宗孟后也紹興元年四月

哲

與

權

崩遺詔擇近地摧殯俟息兵歸葬園陵六月殯于會稽上亭鄉攢宮攢厝之法蓋盛于此時然檀弓記孔子殯母于五父之衢人之見之者皆以為葬也其慎也蓋殯也後問知其父始得合葬于防則先之殯亦是淺攢其未也久矣

宋代攢宮

宋太宗明德后崩于真宗景德元年三月詳定園陵宜在元德皇太后陵西本年九月權攢于沙臺

思

思

至二年十月十五日帝始詣攢宮癸卯二十九日葬畢掩皇堂是先攢而後葬矣至南宋高宗攢永思陵孝宗攢永平陵哲宗孟后攢上亭鄉徽宗章后攢永祐陵高宗吳后攢永思陵孝宗吳后攢永阜陵而史不紀其葬自是皆未葬也先寧理度諸帝有陵名而不言攢葬然則楊璉真伽發諸陵取寶藏豈以在淺土而易名賊乎

天語亭

今郡邑廳事前皆有小碑載尔俸爾祿民膏民脂
下民易虐上天難欺四語覆以亭曰天語亭而不
知其出於蜀王孟昶蓋昶嘗為誥頒諸邑云朕念
赤子肝食宵衣言之令長撫養惠綏政存三異道
在七絲驅雞為理留犢為規寬猛得所凡俗可移
無今侵削無使瘡痍下民易虐上天難欺賦與是
切軍國是資朕之賞罰固不踰時尔俸尔祿民膏
民脂為民父母莫不仁慈勉為尔戒俸朕深思宋

今

太宗摘其中四語以賜郡國立於廳事之南遂為
今制

雲谷卧餘卷四終

雲谷卧餘卷五

古歛張習孔著

梁元帝詩

梁元帝詩有落星依遠成斜月半平林
隋煬帝詩有寒鴉千萬點流水遶孤村
之句王元美稱為絕唱佳境吾謂梁帝
依字尚不妥至於寒鴉千萬點猶近粗
氣似不如改作三四點為有景蓋鴉以
點言只可云三四若千萬則一片黑徹
於點字不相

証

且與下句亦不稱也

貨殖傳之証

太史公書昔人訾其先黃老而後六經退處士而進奸雄此固其大端也然猶有証誕不經者如貨殖傳稱子貢之富乃曰使孔子名布揚於天下者子貢先後之也此所謂得勢而益彰夫以孔子大聖其至是邦而聞政自以至德感人豈藉子貢之勢乎甚矣其言之陋也

口號

唐詩題多有稱口號者號字皆讀去聲按說文號呼也口號者隨口所號呼猶云口占也則號當讀平聲

遠交近攻

范雎策秦其指在遠交而近攻謂韓魏為天下之樞故以攻齊為失計則所攻者當在韓魏矣然而語未終席聞王之欲親魏則曰卑辭重幣以事之

木
狙

不可則割地而賂之再不可然後舉兵伐之使韓
魏可親遂將近交而遠攻乎非也睢所謂事與賂
者皆攻也彼蓋知魏之本彊必狂秦而肆其慢故
欲先順而後伐之使彼之莫可解耳其所以救魏
者豈頃刻忘乎而鮑彪之注嘗其矯辭非知睢者
矣

馮煖三窟

戰國策馮煖為孟嘗鑿三窟史記不載此語此大

史

有作自

致

薛

史公有識也煖之游說梁齊使矣聘孟嘗不過蘓
代為其茂之計固戰國通智也其立廟於薛則前
此靖郭君已行之矣此二事何足以弭患乃曰為
相數十年無纖介之禍賴三窟之計乎孟嘗擬薛
擅強擁衆有同於諸侯閔王之弑孟嘗與焉齊之
不瘳孟嘗勢不可力不足耳非以其昔嘗欲梁聘
與有先王之廟也使齊能墮薛殺文而奉先王之
廟何害於孟而顧忌此歟固知三窟之說妄也

孟嘗君

申 戰國四公子信陵救亡趙強弱魏春中諫秦以紓
敗 國難忘死以出太子此數事美最高雖有他改行
疎 不相掩也平原錄之無音然亦未有顯惡所最無
行者獨孟嘗君田文而孟嘗之名反藉甚於後世

息

不可解也孟嘗世受國恩乃陰勸穰侯伐齊而詩
以所得於齊者賄之又亡齊相魏即西會秦趙取
燕以覆宗國是可忍也孰不可忍信陵春申其皆

淫

為此乎至於舍人淮其夫人反以為人之常情而
弗禁太度不應至此其後以薛貳齊卒以不臣而
孟嘗之譽無貶則以其養士市息群口劫衆傳頌頌
後世而莫之省也邪說之害公巧利之賊美莫此
為甚吾故著之以為去道人心救荒

和頭

字書有麻字豈棺頭也胡戈切今俗亦謂棺兩頭
木為和頭通讀戰國策有云玉季歷塋於楚山之

注 王

又

尾棄水齧其墓見棺之前和則和頭之名其末之矣

聽言之難

惠

西

得天

亂天

曰禹錯說秦忠文伐蜀曰蜀而僻之固有桀紂之亂以秦攻之僻以狼逐羊也取其地徠其財入下不以為暴而又有誅暴禁亂之名秦聽之國益富強蘇子說齊閔伐宋曰臣聞王者必誅暴禁誌今宋王射天管地此或下之無道伐之名則美寔則

利王何弗為齊聽之而致亡夫二子之言一也而成敗如此聽言者將何取矣不知言無異而受言之人則異有惠文之恭儉明察故可以闢國而有功若齊閔之昏悖雖得宋祇益其疾耳是以進言者當量其君之所能苟非其人蓋亦反其本矣

陶潛種秫

陶淵明傳潛為彭澤令公田悉令吏種秫妻子固請種秔乃使二頃五十畝種秫五十畝種秔然歸

去來辭序則云自免去職仲秋至冬在官八十餘
日云仲秋豈種秫時耶若謂豫計來歲當然則妻
子之固請亦大早計矣

優孟象孫叔敖

非學即
優孟象孫叔敖此必無之事孟與敖并學子也即
抵掌談語習之歲餘不過得其語言態度耳面目
聲氣豈可學而得耶敖子窮困負薪且夕不能待
孟乃需之歲餘為此不可必之事亦迂甚矣孟既

久他

類

嘗近王此歲餘豈匿不見耶歲餘之久豈無地道
而計必出於此設王見其酷類付之嬉笑而不命
以相孟其謂何楚莊英主也孟之可相與否信之
久矣豈以類教而命以相耶故曰此必無之事也
其至北魏耻飲茗

筮

鮮

飲食有癖嗜者出於凡人性習之偏如劉邕愛食
茄權長孺好食人瓜張懷肅好食人精解于叔明
好食臭蟲之類此特異人嗜事千萬中之一耳若

全北

夫羔羊之羹今在於皮而此人必去皮而食故韓
熙載使北北人問曰南朝何以不食剥皮羊荅曰
以南朝出綾錦耳問者大慚此猶曰資其皮以衣
耳至於茶之為物清香美沁所謂一日不可無此
君也而王肅在魏逢高祖之意乃謂茗不中與酪
作奴浸成瓜尚遂與南人啜茗者相詬厲朝貴燕
會雖設茗飲皆耻不復食唯江表殘民遠來降者
飲焉夫不此其不解茗然乃反以啜者為耻此比

耻味

卽

密

食枣卽甘不羨橄欖者其蠢尤甚也今南茶賀北
者歲數十萬石自貴賤無不喜茶其鑒別茶品尤
精蜜塞外極西之人嗜茶尤甚至謂可代菓餌而
魏氏入中國百餘年竟不識清芬瓜味誠異事矣
苻堅喜佞

武后時爭獻祥瑞洛濱居民有獻一石於朝李昭
德問其何所取對曰以其有赤心昭德叱曰洛水
中石豈盡友耶耶天水姜平子任於苻堅之寡群臣

反仕

承

賦詩平子書丁字下直而不屈堅問其故荅曰屈
下者不正之物不足以猷也堅悅擢上第按篆文
丁字原不屈平子蓋偶用古字永堅問遂回表以哀
進侮耳且平子能盡所書之畫皆不屈耶堅明主
也顧惑其飾說之候又智出昭德下矣

李太白三帖

胡文穆記李白三帖其一乘興踏月西入渭家不
覺人物兩忘身在世外其二夜來月下卧醒花影

酒

有

幻

若

殆

零亂滿人襟袖疑如濯魄水壺也其三穠虛月白
秋宇物化於斯憑欄身去飛動把酒自忘此興何
極予謂此三帖皆皆取於月故其致清虛恍惚如
蜃樓幻影略無實境太白人品詩品莫省於此矣
古固不妨有此一種以酒濯塵俗疏達拘滯不謂
人與詩皆當以此為極恐其禍不減晉去清談也
范睢進言之難
范睢始見秦王情甚切而辭則迂故必三問不荅

以棟王志使之靜聽而徐露其衷言使王初問而
卽對以呂尚文王之說則王以為迂泛而厭聽矣
此最可想當日事情既稍進矣乃復引三王五霸
烏獲賁育之死蓋一腔迫切摠以交踈而不敢深
言第以一死字棟王俾知迫切之志其援古引今
非故為饒舌也蓋畧展其辨博使知非空踈無學
者耳

蔡澤

蔡澤入秦使人宣言以感怒應侯曰燕客蔡澤天
下駿雄弘辯之士見秦王必相之而奪君位是以
應侯與語不終日而動其聽其才固不可及矣然
其入秦之初不過羈旅之士孰肯為其宣言以撼
相國卽此便見作用不允後去子昂提碎胡琴概
亦近此

張丐說魯

請

魯助楚伐齊之王患之張丐曰臣蕭使魯令中立

無

待 張

見魯君曰齊楚之權敵也不用有魯燕魯君豈如
 全衆而伺其後哉楚勝齊其士卒必敵其餘兵足
 以特天下齊勝楚其士卒亦敵而君以魯衆合敗
 楚以併齊則楚之見德甚大矣魯乃退師盟子曰
 丐欲魯伺齊戰後而乘其敝其禍齊更酷矣然則
 丐第能暫緩魯師以欺齊而微其賞耳後在庸醫
 以輕粉治毒者其智固祖此又齊與燕戰秦使趙
 擊齊之田嬰使人說趙曰君助燕擊齊之必急急

和

逆 立

必以地智於燕而身與趙戰矣然則君自為燕東
 兵為燕取地也君何不接兵勿出齊事緩必復與
 燕戰之而勝兵罷敵趙可取唐曲逆不勝命懸於
 趙則是趙中亦而割窮齊與疲燕也兩國之權懸
 於君矣此亦與張丐說魯同指皆是暴國情而釀
 遠禍暫居卻敵之功耳有臣如此國安得不危死
 然搃是下莊刺虎之說有識共知未為奇瓶

玄宗不知兵

羸

安祿山兵入陝哥舒翰堅壁以老之此萬全至計也時郭子儀李光弼屢破賊於河北賊將在洛者怵懼欲逃揚國忠疑翰圖已說帝趣翰進兵翰奏祿山習兵今麗師誘我若往正墮其計賊遠未利在速戰官軍據險利在堅守況賊勢日蹙將有凶變因而乘之可不戰擒也要在成功何必務速郭李亦請引兵北取范陽覆其巢穴賊必內潰潼關太軍惟應固守以敵之而上入國忠言遺中使趣

遣

戰項背相望翰不得已慟哭進兵遂潰若當時聽翰計持重制勝不數月賊滅矣玄宗不揣敵情輕趣冒進一敗狼狽遂貽累世戰爭之患賊雖亡而藩鎮起訖以亡唐皆此一悞基之也原其始不過由於國忠之患矣而其害遂至亡國而不悟豈非萬世之鑒歟

失

神女賊

容齋三筆曰宋玉高唐神女二賦甚得詩人瓜化

之本前賦云楚襄王望高唐之士有雲氣問玉玉
曰昔者先王嘗遊高唐夢婦人願薦枕席王幸之
後賦云襄王既使玉賦高唐之事其夜王寢夢與
神女遇復命玉賦之若如所言則是王父子皆與
此女荒淫始近於聚麀之醜矣然其賦首雖極道
神女之美至其中則言神女欲就而復遠懷潔清
而不可犯于是神女但與懷王交雖見夢於襄王
未及亂也玉之意可謂正矣余攷賦序夢神女者

玉 詩

玉也非王也何得為聚麀之疑哉蓋六臣文選為
玉為正而李善注亦云王亦作玉是知其詩而未
及正也若云夢者是王則序中既述所夢之美不
應接王曰若此盛矣誠為寡人賦之也且体味篇
中語意玉以夢自王王問之而玉對於美乃合曰
白日對荀移玉作王俱非體武矣至賦之將合而
離欲近而遠正玉自寫夢中景象故言之親切乃
爾蓋夢女者多有如此容齋乃謂幾乎情止乎禮

式

義恐近於痴人前說夢矣

蘇秦說齊

蘇秦說齊曰臨淄甚富其民無不吹竽鼓瑟擊筑彈琴鬪雞走犬六博踰闕者臨淄之中七萬戶臣竊度之下戶三男子不待發於連縣而臨淄之卒固已二十一萬矣余謂臨淄固云殷富然計戶發卒二十一萬而臨淄之民盡矣以富逸之民盡籍為兵空國而戰險於秦之謀國不仁哉秦之度民

遠

也

王斗

王斗見齊宣王以為斗趨王為好勢王趨斗為好士其自處若甚高然斗既曳裾王門度非無所求於王者王既虛懷承教何名復盛氣崛強此小人之騰口說以要君者固戰國儉夫之習氣也所以未宣王無士之誚固有以窺其微矣後以尺穀為喻王舉五人而齊國大治此著書者之諛詞也孟

子

于璞玉大木之說與斗言無異未聞王有所聽受
豈能於此獨舉五人而大治哉巖首即稱曰先生
王斗著書者或其弟子也故過稱之乃爾

重剛不中

乾文言曰九四重剛而不中朱子謂九四非重剛
重字疑衍非也乾卦上下皆剛三四在上下之間
故皆曰重剛若曰陽又陽位則初九獨非陽又陽
位乎要知重剛是好字面所謂乾之也三之能警

惕

惕四之能審慎俱從此來

懷春詩疑非二南

野有死麕三章細玩語氣未見為貞潔自守也首
章女先懷春以誨誘是吉士非無因而至也未章
語其舒緩而末章驚犬吠豈拒辭乎此或他國之
詩而慎入於二南也

范史傳酷吏之失

後漢書大姓公孫丹以造宅而令子殺人既伏法

悞

其親黨三十餘人操兵詣府叫號強梗如此真不知有三尺矣郡相董宜悉收而殺之當時死丹之力猶能致宜下廷尉其勢可知宜無所懼而讀書自若且獨承其罪而不諉於書佐既得免湖陽公主蒼頭自畫殺人主庇之而與縣乘宜堅候其出賞主前叱下格殺之主訴帝怒而碎首不辭及帝諭令謝主亦終不屈且死而甚貧此大賢也其治行豈在劉寵童恢下手范曄乃傳宜於酷吏是無

白

倫矣大姓殺人其黨弄兵豪奴殺人貴主蔑法此豈可以優柔文教化之耶靖亂萌折強聽若宜者固有國之寶也此所謂之酷則善治者懼矣

陳軫蛇足之言

畫蛇贗足之喻乃陳軫之說楚將昭陽者其言曰君相楚而攻魏破軍殺將得八城欲復攻齊之畏公甚公以是為名亦足矣官之上非可重也戰勝而不止身且死爵且後歸猶為蛇足也昭陽以為

若

然止攻齊張子曰謬哉陳軫之言乃昭陽亦非負臣也人臣為國豈以官無可加而遂輟其事歟戰國人心習於巧利故斯言得以中之忠臣誼士聞之未有不斥其奸者也

公孫閉說楚

齊將封田嬰於薛楚王聞之怒將伐齊以沮之齊王有輟志公孫閉為嬰說楚曰魯宋事楚而齊不事者齊大而魯宋小也王既利魯宋之小而不惡

小

齊大何欲夫齊之削地而封田嬰是其所以弱也願王勿止王曰善因不沮齊封予初疑戰國之人何以能行其說於敵國及觀張丐魏處之言無非暴國情而釀遠禍敵之利也其言安得不譬哉如公孫閉之說楚固已深中事情離愚人亦知其當也况此時嬰已貳齊意必更有裏言輸楚之何愛而不聽厥後襄王之在孟嘗寢強中立名諸侯襄王愆與運和閉之言既已驗矣獨恨閉有此識何

雖

連

不諳齊王以為堅冰之戒顧乃以之利敵戰國人
心險譎如此

蘇代諫孟嘗入秦

孟嘗君將入秦止者千數而弗聽蘇代進說曰淄
上有土偶人與桃梗語予東國桃梗也降水下淄
水至流子而去漂土者將何如今秦辟如虎口君
入之臣不知所出矣孟嘗乃止夫桃梗土偶之說
徒為詖諧耳至於入不知出之論豈有諫者千數

而智皆不及此耶孟嘗何以皆弗聽也然則孟嘗
能好諧詭而事理之是非利害一切懵之者乎

雲谷卧餘卷六

王莽朱温

古歛張習孔著

王莽朱温世所謂惡人也乃莽有賢子女温有賢父兄其性特殊當莽隔抑衛氏莽子宇欲諫知不聽以莽信鬼神乃使人夜持血灑第門冀以感莽事覺下獄死莽女名孝平后帝崩年始十餘歲有節操自劉氏廢常稱疾不朝會莽敬悼哀傷欲嫁

之令成新公孫建古子修飾將醫往問疾后大怒
鞭笞其旁侍御因發病不肯起朱溫父誠以五經
教授鄉里號朱五經溫名節度其母王氏猶傭食
蕭縣劉家及歸溫奉觴壽母曰父平生讀書不登
一第有子名節度使無忝先人矣母惻然良久曰
汝能至此可謂英特然行義未必如先人也溫篡
位之日與宗戚飲博酒酣其兄全昱忽投瓊擊盆
中送散睨曰朱三爾礪山一百姓從黃巢為盜天

子用汝為四鎮節度使於汝何負而滅唐家三百
年社稷行見汝族亦矣尚何博為以大逆之門賢
愚不類如此則有性善有性不善之說未可謂盡
非也

韓信不當勅敵

漢高用蕭何言拜韓信大將兵事一當屬信漢王
之東信為首謀東方之事固信事也乃漢之襲雍
戰章邯降欣翳擊韓降鄭昌皆曹參周勃韓王信

便一作使

輩轉聞而前不聞信効一力出一謀也及漢癸喪
美帝傳檄東伐事莫大於此者此時信皆安在耶
漢王既取彭城尽收美人貨賂羽乘怒而至此時
非信莫可當羽而睢水之戰漢大敗王僅以身免
則建大将何名矣漢王窮蹙投后兄轉徙衆陽
蕭何癸閔中老弱詣軍信此時始收兵與漢王會
兵乃復振當漢王圍三匝時便無大爪晝晦已死
圍中矣豈不辱登壇一拜乎魏趙燕齊自守虜耳

急

不必為惟羽名勅敵漢已定三秦何不使信建大
將旗鼓而東舉農沙拔幟之奇移而用之于羽兩
雄相當益必有可觀也漢有大將而不以當勅敵
信受大将任而不自請當勅敵誠事機之一憾也

傳賢傳子

萬章田至於禹而德衰不傳於賢而傳於子若謂
上世皆傳賢至禹而始初為傳子也予按百史三
皇首伏羲伏羲氏既衰共工氏伯九州其後炎帝

炎

神農氏興而伏羲之子孫不可復紀則伏羲未嘗傳賢也神農之子柱能殖百穀子孫傳立為黃帝所滅黃帝亦神農之後神農世衰諸侯相侵伐而蚩尤最為暴炎帝欲侵凌諸侯諸侯咸歸黃帝黃帝修德振兵以與炎帝戰於阪泉之野三戰然後得志代神農氏是炎帝神農未嘗傳賢也堯之父為帝嚳高辛氏嘗崩子摯立亦傳子也摯不善崩弟堯立此亦兄終弟及耳非傳賢也由是言之傳

自
賢實曰堯始傳子則自三皇五帝未之有改也乃以為禹德始衰何也

封建

置封建者百聖王也廢封建者秦政李斯也柳子厚絀封建而信郡縣蘓子瞻宗之子由古史又推廣子瞻之說予嘗著論二篇辨之意尚有未盡者今夫絀封建者謂利大而起爭指春秋戰國五霸七雄及漢之戊漢晉之倫頴名證不知惟其為五

千約
千
霸七雄戊漢倫頽斯為害耳吾所謂利者利於封建多後世之害者害於封建少今按海內疆域為邑者不過千餘并州衛寨所納二千止矣而禹時執玉帛者萬國大者不過二三十里至周猶有千八百國視今僅一小縣耳大司馬掌九伐之法歲布政於邦國都鄙而且振旅芟舍治兵大閱所以鬯皇靈而威列服者其制甚備諸侯之不率者變置夷滅若後世之處一吏耳何亂之敢為漢幸滅

術
力
勢
恐
驚

秦不汲惟古法所封惟功臣子弟大者兼數圻蓄兵甲招致奸人豪勇朝廷不復禁制安得而不亂然朝廷原無禁制之猶惟當少與之地使其亦自不能驕鬻天子居重以御之豈不與三代同治乎今也不然厚其力而藉以能為之勢而又多蓄疑以防之安得有善後之理乎所謂富貴不與驕奢期而驕奢至驕奢不與死已期而死已至由是海內鼎沸乃以咎封建之不善是不知推其本也

答

古

古詩有所本

古語音叙者亦有所本十九首胡馬依北風越鳥

巢南枝本於伍員河上歌胡馬望北風而走越鶯

日不

向南日而熙誰石愛其所近悲其所思者乎曹植

書過屠門而大嚼本於古諺人聞長安樂則出門

而西向嘆知肉味美則對屠門而大嚼見桓子新

自

論杜詩白注俚語城南帝杜去天尺五本於古謠

唐

武功太白去天三百孤雲兩角去天一握居代宗

警二

論郭子儀不癡不聾不成家翁本慎子不聰不明

不能為王不警不聾不能為翁李斯阿王世城高

五丈樓季不輕犯泰山之高百仞而跛牂牧其上

本古諺深不絕涓泉稚子浴其淵高不絕丘陵跛

羊存其巔見劉子

李靖

唐高祖破長安獲李靖欲殺之資治通鑑惟云靖

素與淵有隙不言所隙何事唐書李靖傳言靖名

自

馬邑丞時高祖擊突厥靖察其有異志自鎖上急
變將詣江都若曰此其所以隙耳乃通鑑注考異
謂太宗謀起兵高祖尚未之知既知猶不從當擊
突厥時何遽察其異志而上急變乎此論是矣然
亦不知所隙史言靖歸誠後建功授開府高祖猶
陰勅陝督許紹斬靖賴紹密諫而免及破賊奏功
高祖悅謂公卿使功不如使過李靖果展其効乎予
勅靖曰既往不咎舊事吾久忘之夫上變未達有

高祖 叔

即

何深隙久猶介介其非為此明矣偶閱劉肅唐書
說載高祖起兵太原李靖與衛文昇守長安乃敢
皇族害之皇族謂高祖宗親帝破長安即欲斬靖
其隙在此無疑而新舊唐書皆不載肅唐人紀本
朝事必有所據惜正史之不備也

沽酒

注謂

飲

詩伐木章有酒湑我無酒酤我毛氏淫醑一宿酒
日酤其意以為酒熟則釀而飲無酒即一宿未熟
醑

遊

者亦可縮以飲也都穆聽雨紀談據此以證孔子
不食沽酒市脯以沽為非買亦是一宿酒且曰三
代無沽酒者至漢武時方有榷酒予觀周礼司醴
掌憲市之禁令其以屬道飲食於市者若不可禁
則搏而殺之以屬遊飲食蓋若今之群飲無度者
則為飲酒於市明矣安得謂三代無沽酒事耶
子卯不樂
檀弓杜賁曰子卯不樂注桀紂以乙卯甲子日死

代
取

謂之疾日故君不舉樂云夫桀紂毒痛四海湯武
為民聽殘獨夫授首之日即聖王繼統之期此當
慶而不當疾也而周人猶為之制忌蓋繼化之際
聖心惻焉垂之數百年而無改武周禮厚之至也
禮記云娶婦之家三日不舉樂思嗣親也其意畧
與此同

丁謂拂鬚

恭

丁冠之釁啟於拂鬚是固某公之過也小人能恭

聖

敬君子無論其誠偽當容受而化誨之使之潛移
默感而不害於正斯已耳在否之二曰包承小人
吉始之二曰包有魚无咎不利賓四曰包無魚起
凶蓋小人能承順君子固空人之所許也而君子
不能包小人實君子之過古之敬賢有進履結襪
擁篲御車割牲体而操几杖者何獨致嫌於拂鬣
我縱萊公覺其媚心鄙而踈之可耳乃折之以不
堪之言使日後朋黨之罪并中於李迺此所謂包

及丁

無魚而反賓矣春秋責備賢者吾是以買下而過
冠

唐追尊咎繇

高

舜五臣禹既躬有天下稷之後周契之後尚益之
後秦皆有天下獨咎繇無聞後天謂咎繇為刑官

聞人

臣

違上帝好生意故獨異於四段偶閱唐史玄宗天
寶二年追尊咎繇為德明皇帝以咎繇常為理官
李姓之所自出故唐祖之此事武解知者特為拓

世

出
朱子釋詩

佐
卷耳詩序曰卷耳右妃之志也又當輔侯君子求
賢審官知臣下之勤勞內有進賢之志而無險諛
私謁之心朝夕思念不於憂勤也故毛傳鄭箋皆
以僕馬之勞指行役之臣言而右妃贊夫子酌酒
以勞之也自朱子以為右妃思念其君子而前說
遂廢然朱子初說見於東萊讀詩記者于末章亦

曰極道勤勞嗟歎之狀訊其君子當厚其恩意無
窮已之詞也則亦與毛鄭恤下之說同矣按朱子
序東萊讀詩記曰此書所謂朱氏者實熹少時淺
陋之說而伯恭侯有取焉其後歷時既久自知其
說有所未安方將相與反覆以取真是之歸而伯
恭已下世矣此序作於淳熙壬寅而集傳先成於
淳熙丁酉宋子蓋欲更定呂記而不及也是以其
說之不同者甚多如裳之者華卒章朱子以左宜

取本作亦

淳

朱呂

右有之君子指諸侯之先世而子孫肖似之今集傳皆不然也

論文

諛

近有人論文曰名公之文多罵而少記夫少諛是矣謂多罵非也蓋名公之地步高其下視一切鮮與儕者如其人而直之非誨則者遂具以為似寫爾若退之送文暢廖道士東坡記凌虛臺寶繪堂之類是也後學之士所處未至卓絕故自叙不得

責罵

敬

不約而於人不收以教責相加文品之卑遂亦坐是然古人文亦有以罵為高者歐公花品序以洛陽為天地中草木得少氣之和故獨異他方此說未嘗不佳而猶以為平而無奇故罵之以元氣之病而偏故有甚美甚惡而為草木之妖怪此以罵為高者也若今人作此題惟有極贊牡丹之美而已雖然有意以罵為高吾不謂高也必也其地步果專推之為文如其人其事以直之而教責自見

中

尊

斯名真高耳
名利
好名與好利雖曰其弊相等然兩者實為背馳好
名者有所不為好利者無所不為好名者欲求人
知好利者惟恐人知好名者當為益人事好利者
常為損人事好名者事在天下好者利事止一已
由此言之何可比好名者於好利哉今吾苟有好
名者是救時藁名也

常

唐宗受佞

嘗聞一縉紳謂門客曰吾人多好人奉我所不解
客曰獨公不好奉耳縉紳欣然以為知己而不知
已為此客所奉矣甚矣佞人之難遠也唐太宗玩
禁中樹曰此嘉木也字文士及從旁嘆羨無已太
宗正色曰魏徵常勸我遠佞人不識佞人為誰意
常疑汝乃今信然士及謝曰南衙群臣面折廷諍
陛下曾不得舉手今臣幸在左右若不少有將順

解 聞

陛下雖貴為天子復何聊帝意乃祥夫人君患是非不明耳今既知其佞矣乃復間佞而解人亦何畏而不佞哉

賀知章傳

新唐書改易劉勰所撰其所更置謂必確當然亦有未愜者如賀知章傳舊書置於文苑以知章之不為當時所愛慕也新書改置於隱逸傳中夫知章因病恍惚乞為道士賜鑑湖年已八十五六矣

才

誕官

前此在官惟繼緹耳未嘗隱也毫釐去官乃謂之隱則老婦失夫不嫁亦謂之節可乎不知其改文苑而入隱逸何所取也

木蘭

木蘭花為詞人常用之語一日問人為何花竟無知者楚辭朝搴阰之木蘭注木蘭去皮不死亦不知為今之何樹古詩輒言蘭舟蘭楫蘭蓀皆木蘭也蘇州刺史張博於木蘭堂宴客陸龜蒙賦詩幾

或
度木蘭船上望不知原是此花身江州有木蘭洲
傳聞魯班曾用木蘭造船於此則木蘭之可為舟
楫久矣其用當廣何今竟未見耶徐文長路史木
蘭花表紫而裡白生於深山者尤大可以為船按
花之表紫裡白亦罕見惟辛夷耳辛夷一名木筆
豈木筆即木蘭耶然辛夷未見有大可任舟楫者
氏深山有之我未之見耶王元美宛委餘編云古
有木蘭而無玉蘭今則有玉蘭而無木蘭亦引陸

即
龜蒙詩謂蘓州木蘭堂其花樹最雄至宋末始萎
故知木蘭即玉蘭然元美生明嘉靖間去宋未遠
矣何以見其即玉蘭也元美又引楊備詩云木蘭
枝密樹仍高堂下花光照節旄列鼎重茵歌舞地
金章同色使君袍則其花又似憐紫非純白者此
言花色與徐說同則謂木蘭是辛夷者近之然予
攷晉成公綏木蘭賦曰許昌西園中木蘭樹余往
觀之遂名賦曰覽衆樹之列植嘉木蘭之殊觀至

賦

古

于元冥授節猛寒嚴烈我之堅冰霏之白雪木應
霜而枯零草隨爪而摧折顧青翠之茂葉繁旖旎
之弱條諒抗節而矯時獨滋茂而不凋則木蘭冬
采賦語明甚辛夷玉蘭望秋而零者也其非木蘭
審矣曲名有減字木蘭花何在之言木蘭甚多而
今竟不識為何種誠可異也

張由古

張由古於衆中歎班固文章甚佳惜不入文選衆

古

對以三都燕然等篇由古曰此是班孟堅非固也
此語今人都編入笑林予謂笑由古者要當自審
古有相馬而悞稱驪黃牝牡者由古特失檢其名
耳然能識班文之佳且又讀文選竟以視今之淺
學實為優矣後生輩雖能辨古人名未必知其文
且亦未必全讀文選也

必

扇

陸文量菽園雜記謂今之摺疊扇一名撒扇始於

翫

明永樂中成祖見朝鮮所貢松扇而斲製前此皆
團扇無摺疊者陳眉公太平清話亦云然予考喪
大記黼翬畫翬注形似扇文公家禮繪圖亦下狹
上寬頗類今撒扇形若古扇皆團則注翬者何團
物不可擬乃曰似扇乎或曰黼翬畫翬言似扇者
以其有柄執以障人若掌扇然非取其下狹上寬
予又考檀弓云周人搢置翬此翬入墳非可柄也
蓋棺製底短蓋長搢之上下必齊底蓋翬以障搢

寬

則度亦同之觀此古扇不尽團信矣但摺疊與否
無可考耳

雲谷卧餘卷七
孔子射於矍相之圃觀者如堵使子路延賓先以
賁軍之將亾國之大夫與為人後者皆不得入于
是去者半既入而序賓佞公罔之裘揚解曰幼壯
孝弟者耆好禮不從流俗修身俟死者在此位去
者益衆又使序點揚解語曰好學不倦好礼不衰

雲谷卧餘卷七

孔子矍相之射

孔子射於矍相之圃觀者如堵使子路延賓先以
賁軍之將亾國之大夫與為人後者皆不得入于
是去者半既入而序賓佞公罔之裘揚解曰幼壯
孝弟者耆好禮不從流俗修身俟死者在此位去
者益衆又使序點揚解語曰好學不倦好礼不衰

耆

使

耄期稱道不亂者在此位蓋僅有存者注謂表之言尚踈點之言愈密則非其人者自退矣吾于此而見春秋人心猶直也人能孝弟好礼不從流俗大本已立無所歉於賓序矣而猶自審或不能要終于耄期將欲與于禮射而不敢凡此去者寔大賢也若後世入藏其心孰肯自歆豈無矯語孝弟偽稱好礼而冒然與司寇相揖讓者乎故曰春秋之人心直也雖然此非孔子之言也弧矢決拾之

事豈耄耄垂死之人所能任乎此蓋令其自審日後能終身不變否也孔子嘗曰與其進也不保其往也豈有序賓而豫責之耄耄之後乎况此人者既許之以孝弟好礼不從流俗在此位矣又復進而求之聖人與人為善之心不若是之刻也故曰非孔子之言也

禮雜記之謬

中庸曰父為士子為大夫葬以士祭以大夫蓋葬

用死者之爵祭用生者之祿此制最為折衷乃雜
記曰大夫为其父母兄弟之未为大夫者之喪服
如士服則是夏禹之郊鯨周武之祀文皆不得用
天子之礼也中庸雜記皆列於礼記中而衷舛不
同如此

禮塔辭昏之謬

禮記曾子問篇有曰昏禮既納幣有吉日塔之父
母死已葬塔之伯父致命女氏曰某之子有父母

仕 兄

之喪不得嗣为兄弟其字是伯父之名不得嗣为兄弟者言繼此不得为夫婦也夫婦同等有兄弟之美亦親之使辭不曰夫婦者未成昏姻也使某致命此某謂致還其許昏之命也女氏許諾而弗敢嫁禮也塔免喪女之父母使人請塔弗取而後嫁之禮也女之父母死塔亦如之張子曰此非孔氏之言也昏禮合二姓之好以綿繼嗣父母死於家於女氏無仇也既免喪而離昏何名也夫且所納幣固父母之命物也生則聘之歿則使其更嫁凶者有

壞

知其能瞑乎且塔再辭女父母之命其將終身鰥
乎抑更別娶也父母納幣於生前者既不可娶則
外是豈復有合於義者矣至於女父母死亦令塔
別娶此尤難通文字在六經者猶多此類况其他
乎孟子之取二三策是善讀書者也

科舉

朱子嘗曰科舉壞人心術故其議學校貢舉謂今
之為法其所以教者既不本於德行之實而所謂

藝者又皆無用之空言至於其弊則所謂空言者
又皆怪妄無稽而適以敗壞學者之心志是以人
才日衰風俗日薄近代歸震川與潘子實書曰科
舉之學驅一士於利祿之中而成一番人材去道
其弊已極士方沒首濡溺於其間無復知有人生
當為之事榮辱得喪纏綿縈繫不可解脫以至老
死而不悟二公之言深中應舉士子之弊蓋奔趨
既久僥倖者不知反而營競者不知慚舉去相習

伏

於阻贖攘攫之風公然言之而無忌也近日言路諸君頗有請用徵辟德行之說雖未見舉行寔為古道人心旋轉之一機也

伏突

史言李光弼將戰內刀於鞞曰戰危事吾位三公不可辱於賊萬有一不捷當自剄偶閱顏魯公作光弼神道碑曰每臨陣常貯伏突於鞞中受不受辱乃知伏突刀名也穀梁孟勞人猶知之此則也

鮮知者聊記於此

私謚

禮曰謚以尊名節以壹惠人主待臣之重典也陳寔之謚文範范丹之謚貞節非出君命已為僭禮猶曰自入臣錫之乃夏荼之謚宜明朱頡之謚貞宜朱穆之謚文忠劉峻之謚玄靖王通之謚文中皆出日門人鄉里之私後古沿之遂為故事越禮甚矣曾子問曰賤不誅貴勿不誅長禮也推天子

大

自

收

稱天以誅之誅尚不可况易名之典可以卑命尊
乎張載門人欲踵舊習而謚其師司馬溫公曰孔
子之沒哀公誅之不聞弟子復為之謚與其以陳
文穆陶靖節王文中孟貞曜為比曷若以孔子為
比乎善乎此言其識卓矣

飲馬長城窟行

文選載古樂府四首呂延濟注曰名字磨滅不知
其作者故稱古辭今觀飲馬長城窟一首蔡伯喈

集有之昭明公古未遠而中郎集久傳於世何以
唐六臣皆未知耶其辭曰青之河畔草絲絲思遠
道遠道不可思夙昔夢見之夢見在我傍忽覺在
他鄉他鄉各異縣展轉不可見枯桑知天風海水
知天寒入門各自媚誰肯相為言客從遠方來遺
我雙鯉魚呼兒烹鯉魚中有尺素書長跪讀素書
書中竟何如上有加餐食下有長相憶李善等注
以首八句為婦人思其良人是也此後十二句皆

以為婦人作悞矣此詩本非一人之言枯桑四句
當更為一章客從八句當更為一章枯桑章言枯
桑無枝葉海水無畔岨天風天寒無所障庇其苦
自知而已今與衆同行而各自取媚孰肯為予言
而知予苦哉此士不得志者之作也李善注為念
夫君之爪寒有何情味若木崩八句分明丈夫語
氣若作女子豈不招瓜李之嫌乎此又說詩者所
當知也

末

子

監軍

唐每以宦者監軍由天子不信其臣特以宦者為
可托腹心耳此風自漢已有之馮緄為國大臣當
征蠻寇乃願請中常侍一人監軍財費益以前此
所遺將帥宦官輒陷以耗折軍賢緄懼為所中故
請監以自明此臣不能信其君也君不信臣之不
信君而皆寄其權於宦寺漸之所積遂成重勢漢
唐之亡皆由此也哀哉

遺資

魏徵

唐太宗弄鵠見魏徵至匿於懷徵覺之故奏事久
鵠死於懷世以爲美談余謂人臣事君有犯無隱
君有過則當諫豈可故匿其情而行以機詐哉且
過在帝不在鵠帝以徵爲可欺好鵠之心未改也
一鵠死而百鵠至于禽荒何懲乎徵他訊諫皆善
若茲事吾無取焉

傳

高宗夢傳說

嘗疑高宗夢傳說審厥象而旁求雖繪畫之事自
古有之然古人渾樸未必能如今之寫生家也使
形神之間有一不合其不至買璞得鼠也幾希矣
及閱羅泌路史有曰太公之賢文王雅知之又懼
世之不知而我異故托之卜晉靡之賢武丁亦知
之而天下未之知故不得不托之夢此說近於術
數揆詐非君子所當言然審象之疑可以稍紓亦
不妨有此一段異論也

有本任存

禮曰冠而字之敬其名也故春秋以稱字名榮自
古同輩相稱皆以字至有稱名者見諸詩文殊為
典雅近世以來諛佞成俗直稱表號以為簡慢遂
僅呼一字而以翁老承之雖少年稚子無不蒙此
稱者禮父母存恒言不稱老今者在于舍而居尊
長之名當冲幼而其衰耄之目豈非近於不祥乎
至形之文翰詩題之間其俗陋又不待言矣

彝人引經術

三桓訊魯作三軍合周禮矣其志乃欲卑公室而
奪之權曹操訊漢復九州合禹貢矣其志乃欲廣
冀州而益其地晉曲沃莊伯用夏正合人統矣其
心乃欲自立元彝人欲濟其邪謀者未嘗不引經
術也此言得之唐庚氏

日月蝕

十月之交言日月之食朱注謂晦朔而日月之合

東西同度南北同道則月掩日而日為之食望而日月之對同度同道則月亢日而月為之食夫月掩日為日蝕是矣若日月相對其間徑天何遂相及且月蝕常在深夜日月雖相對中隔大地部洲月何為而蝕哉今曆家推算時刻必應然能知蝕之時水能明蝕之故也至詞人為妖墓之說又曰地影尤為無稽矣

孟子對梁王

及也名藏在諸侯之策曰孫寧殖出其君君入則掩之若能掩之則吾子也若不能猶有鬼神吾有餒而已不末食矣乃知清議之恆人至死面不忘也此孔子本舊史修之以繼秉風其功於古道人心豈眇也哉

閱古編詞

盛仲交閱古編載霜天曉角詞三首不知何人作詞曰功名大下天已安排了何用百般機巧榮休

後

小

二

開

畢

喜辱休惱入關先謝早此理人知少萬事等末由
 命聽自然真箇好衆枯得失天已安排事何用
 苦勞心力得一日過一日泰未否極技巧終何
 益萬事付之一笑前程事暗如漆此詞焦弱戾潑
 取之予意尚有未了亦作二闕云人生在世各有
 當為事窮達都無二致方寸地原如是忘心志
 志惟恐衰年至散誕光陰過了身後恨難安置
 榮華福分造物先排定這箇何須君論只一事難

心

千
即

孟子見梁惠王王曰何以利吾國孟子對曰王何
 必曰利亦有仁義而已矣夫王之所謂利益欲益
 吾國耳非指財賄也孟子遂推之于上下交征萬
 取于千取百不為不多是以財賄言矣王不善辭
 故為孟子所折耳其寔為國者非利即害苟利社
 稷孰不欲圖之乎易曰乾始能以美利利天下特
 不言所利耳王以利為言所謂先生之號則不可
 也

前

清議

清議之繫於名教重矣孟子曰王者之迹熄而詩亡詩亡然後春秋作蓋周初盛時列國美惡形為風謠王者時巡而采之善有所勸而惡有所畏寓法度於清議之中周之盛也然也自天子不巡狩雖有詩而太史不陳第作輟於士女之口其勢微矣故孔子作春秋使其行事者之簡策庶以作其懼也觀之甯惠子疾召悼子曰吾得罪於君悔無

推命 委心任運遯去誠無悶此際懸須分利休
一味圖乾淨

夏正

義
即

或問歲首建寅始於夏乎張子曰帝堯分命羲和
殷正四時即以春夏秋冬為序必無分割一時以
為歲首之理下春日平秩東作于冬日平在朔易
作起也朔易冬月歲事已畢除舊更新所當改易
之事也是唐之建寅可以理推也舜二月東巡五

于

洩

月南八月西十有一月朔蓋用四時之中准四岳
然後歸而以季冬格祖孟春改歲首尾各餘一月
若建他辰則四方不應四時非聖人大明終始平
秩燮和之道矣凡虞之建寅可以理推也孔叢子
載子思之言曰夏敬得人堯舜之所同也殷周之
王征伐革命以應乎天因改正朔若云天時之改
耳故不相因也夫受和於人者則襲其統受命於
天者則革之所以神其事如天道之變然也孔鮒

禫

是

生周末去子思四世耳其言可信由此觀之寅者
歲首非始於夏矣

三正

其誓有扈氏威侮五行怠棄三正蔡注曰三正者
子丑寅之正怠棄者不用正朔也三正迭建其末
久矣子丑之建唐虞之前雷已有之愚謂此說非
是諸侯惟當奉一王之正朔耳若彼二正既已革
移何為而責其怠棄也愚嘗以意解之三正必指

當此

或

急

歲月日歲有首月有朔日有晨急彙云者或是不
迎春不視朔興居失時俾晝作夜之類庶與急彙
意合然不敢自謂是也

疑周末改月

三正之說非正月也猶言三統耳正月必建寅三
代皆然惟以子丑月為歲首紀年耳如商則云元
年十二月正月二月以至十一月為歲終然後更
稱二年是也改正朔不改月數書經蔡注辨之詳

史

壺

矣若詩之四月維夏六月徂暑七月流火九月授
衣皆夏月也漢承秦制以亥月為歲首故漢書中
記紀年皆從十月始至武帝太初元年始用公孫
卿壺遂司馬遷言用正月為歲首是從前改正朔
不改月數之證也然孟子歲十一月往杞成十二
月輿梁成七八月之間早七八月之間雨集皆非
夏時吾反覆求之而不得其說因謬度之豈周末
時王嘗改月數以從正朔乎抑戰國僭王有自改

鑑

月數不從周朔者乎嘗見唐肅宗上元二年九月
制以建子月為歲首月皆以所建為數故通鑑於
十月猶書而十一月志稱建子月而不書月韜之
正于唐之半載始復以建寅為北月數皆如舊此見予庶
書帝紀非甚隱僻後世能知者鮮矣况事周代遠
遠保送春秋絕筆候無有變革之事失於紀載者乎學
乎抵牾者徒執見在之書以求之無恠率其多舛莫也

春秋紀年

改正朔不改月數先儒固有是言也前說備矣然
反覆參稽終有未了夫所謂改正朔不改月數者
謂以子月為歲首專用之以紀年至於四時月數
行政布令一切皆從夏制故於詩書禮記之文庶
幾皆合爾然春秋正紀年之書也而正月之上冠
以春王則非建子月矣是編年亦從夏制矣胡氏
曰春秋天子之事以夏時冠周月垂法後世此見
諸行事之驗也其意以為孔子以天子之事自唐
居

而改時王之正朔其說之大悖且無足論乃觀桓
文宣成諸公皆於正月即位是日即稱元年此之
從夏皆在孔子作經之前豈亦心孔子之心耶夫
正朔莫大乎紀年紀年莫大乎卽位紀年從夏卽
位從夏更於何事而見其以子月為歲首也愚又
竊謬度之或者周制亦以寅月為歲首而行夏之
時或別有所指非言歲首之月也孔運曰吾欲觀
夏道是故之祀而不足徵也吾得夏時焉我欲觀

殷道是故之宋而不足徵也吾得坤乾焉坤乾之
義夏時之等吾以是觀之注夏時卽今夏小正之
書雖未必然之亦與論語之解者別矣安知夏時
之云不指治曆置閏撫辰敬授類耶不又指乘鸞
輅駕蒼龍布德和令雩儺宣閉等耶後古以為夏
時定指月建故于詩禮春秋觸處牴牾苟作此觀
則孔子無位而改朔之嫌亦可以暢然矣然則孟
子之說云何曰此愚所謂周宋時王戰國僭王或

未

有改易皆不可知故朱子亦曰或是當時二者並
行惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合
惟人所用亦與改易之說庶幾有合

雲谷卧餘卷七終

雲谷卧餘卷八
古歛張習孔著
莊子之意非不善也彼見未去機巧變詐法度繁
密流毒無尽故欲返一世於渾樸無名而同歸乎
大公之域而不知勢有所不能也今夫浮江海者
惟當修檣拖戒衣初以隨時救備耳如欲返於混
沌未開之先無天無地無江無海吾豈不深願然

惟當修檣拖戒衣初以隨時救備耳如欲返於混
沌未開之先無天無地無江無海吾豈不深願然

去既至元會開闢之後矣慨然圖復混沌寧渠能
乎莊子之欲廢礼樂政刑是生長乎海國而不修
槁柁者也司馬公曰好個僕却被蘓學士教壞此
莊子志也不知蘓學士豈好教壞此僕乎侗魯木
訥踈莽淺露必至于廢主之事之廢而好克棄之
禍不可止矣聖人之設礼樂政刑與蘓學士之教
僕細推之皆一理爾聖人豈不欲合斯人而反之
于循蜚因提之去而滔滔者必有所不能故聖人

好

懷

不務為返古之空懷而但為救備之定事若莊子
者徒托之空懷而已今夫牛羊並牧不以大而欺
小鳩鵲同巢不以巧而弃拙此淳乎循蜚因提之
風也而冥司于人之為惡者始罰而為異類次者
使如刑者之王貽暴露之髑髏信如莊子之說是
鬼神以為罰莊子以為賞也說者曰莊子之旨不
若是粗也郭象有言通天地之統序萬物之性達
死生之要而明內聖外王之道是則莊子也曰莊

之精者吾知之矣其言曰失道有情有信無為無
形可傳而不可受可得而不可見自本自根生天
生地在大極之先而不為高在六極之下而不為
深先天地生而不為久長于上古而不為老此非
莊之精者乎莊子能使天下之人尽喻於是耶何
以紀所得者止豨韋伏戲馮夷肩吾十數人耶外
是者既不能喻乎其精徒然廢礼棄智剖斗折衡
懵々以遊而無以閉其血氣之橫决以此而欲止

大盜吾知其不能矣盖莊子之学純乎禪宗得其
精者可以自為而不可以治古者也

又

古今論莊子者多矣王介甫曰昔先王之澤至莊
子之時竭矣天下之俗譎詐大作質樸並散雖学
士大夫未有知貴已賤物之道者也莊子病之思
以其說矯天下之弊而歸之于正以為仁義礼樂
皆不足以正之故同是非齊彼我一利害以足乎

心乃得既以其說矯弊又懼未立之遂實吾說而
不見天地之純古人之大体也於是於卒篇自解
曰詩以道志書以道事禮以道行樂以達和易以
道陰陽春秋以道名分由此觀之莊子豈不知聖
人者哉蘧子瞻曰莊子善助孔子者要不可以為
法耳其言皆寔予而文不予陽擠而陰助之焦漪
園曰莊子一書以明道也儒之語道不離仁義禮
樂莊子絕而棄之疑不類乃其意以為仁義禮

子

樂道也而世儒之所謂仁義禮樂者迹也執其迹
不知其所以迹道何由明故不得已擯而棄焉使
人知道也者立象先超繁表庶幾能進而求之也
乎凡此皆欲援莊以合儒其意欲尊莊子而皆莊
子之所不受者也吾謂莊子本是禪宗循其道可
以了生死脫輪迴當時佛法雖未入中國然天地
間原有此一種道理故萬里之外豫獲其同然之
心如德克符篇所言不知耳目之所宜而游心乎

德之和物視其所一而不見其所喪與夫守宗保
始一知之所知而心未嘗死等語皆心經妙解楞
嚴宗旨也而勇士一夫雄入九軍尤見當下直捷
由此觀之南華豈淺近之理乎然不必與吾儕規
規率合合處固多門風自別

飲租戶

辛丑壬寅頻歲大旱吾有數十畝在西南之鄉遂
不遣人徵租良農斲漑有方猶得少獲尚自有送

微租至門者雖不足什之一二然亦見野人之忠
樸矣因念劉彥翀飲租戶詩云我病不任耕歲收
仰微租蒙成每自愧一飽便有餘連筋使乏醕醉
語襍叫呼野人無他腸吾輩恐不如誦此可想見
前輩瓜味而今之虐用佃人者可愧矣

樂天題老莊

白樂天題老子云言者不知者默此語吾間于
老君若道老君是知者如何自著五千文題莊子

聞

云莊生齊物同歸一我道同中有不同遂性逍遙
雖一致鸞鳳終較勝蛇虫詩語雖俚頗能使兩公
結古

遺金間志

程伊川遺金間志云元豐庚申予行至雍華間閑
西學者相從者六七人予以千錢挂馬鞍比就舍
晨則亡矣僕夫曰非且裝而忘之則涉水而墜之矣
予不覺嗟曰千錢可惜坐中二人者應曰千錢失

微

足

去甚可惜也次一人曰千錢綴物何是為意後一
人曰水中囊中可以一視人亡人得又何歎乎予
曰人得之乃非亾也吾歎夫有用之物若沉水中
則不復為用矣至雍以語與叔曰人之器識固不
同自上聖至于下愚不知有幾等同行者數人耳
其不同如此也與叔曰夫教子者之言如何予曰
最後者善與叔曰誠善矣然觀先王之言則見其
有体而無用也予因書而志之予觀宋儒類多於

王恐生

此等處着意識終着意識便損天真後人矯飾詐
偽皆濫觴乎此也若等其優劣則伊川不覺二字
乃是聖根次二人以為甚可惜雖漸入泰甚猶不
失為真也又後者以為不足惜又後者遂作一篇
道學語皆有意為之而天真滅矣此數人者遇題
便作而伊川與叔又為主司而去取之以此為教
遂將驅門人之精神皆聚于此能無弊乎若孔子
則不然拱而尚右者則直以教之蓋為學者無事

此形似摹仿之間也

方虛谷桃源行

宋知建德府方回宋亡納土降元仕至通議大夫
時論多責以大義回著說辨之曰丙午春二月六
日奉大皇太后嗣君詔書是為至元十三年始行
在所宰執大臣以嗣君名具表納土送璽於臯亭
山在正月十八日軍勢入臨安府易守在二十日
回猶堅守孤城半月餘王郎中圭英蕭郎中都提

土
在
郁

賣

兵五千費詔至郡官吏軍民一口同辭恐有如常
州之難者同按蜀志漢臣霍弋羅憲聞後主已降
乃納土歸魏史臣謂弋憲保全一方雖非人臣之
正義然國亡主遷土地人民無所歸為小郡者力
不能全國全其部民可也建德府太邑戶口同十
萬同以歸附全之亦可也而諱士或以不死責同
夫等唯鉅公分鉞虢帥不責其死于未亡國之先
而以責一內郡太守于國已亡之後乎殷有三仁

六四

與滔

亦異於孔子之論人矣張子曰國亡與亡臣之正
也納土以全生靈特不得為高節耳然濱滔皆是
亦何足為罪哉乃去責同之深者以同素以高節
自負耳嘗觀其桃源行序云避秦非秦人乃楚人
也痛其君國之亡不忍其身為仇人效力未足以
誅秦故去而隱山中爾王介甫知有父子無君臣
之句尤為悖理淵明豈輕于作此記亦私痛晉之
士大矣翻然作劉裕而無耻耳同特作桃源行書

仕

沉綠

于恨 胡同

諸壁而刊之曰佩蘭騷人英魚腹章華臺傾走麋
鹿祖龍南遊萬事非腸斷流江為誰縊王孫公子
入函關半作長城鬼不還委質良難身死易長歌
深入桃源山姬周以美興夷齊用為耻懷王歿子
欺此張痛入髓力不如虎狼固有去之爾向來長
往人素心政如此俗人不識呼為仙謂無君臣益
欺天人慷慨褰裳眺東海不見當年魯仲連淵明朝
為作此記不紀美厲曰一意羞殺人聞賤大夫反

太恐夫

如歲千

求疑象

君事仇知犬彘我來山中覓餘春千古義氣猶如
新楚人安肯為秦臣繼未止秦亦避秦虛谷生平
持論如此之所以求求多之口欬

孫登

事

住

晉書阮籍傳言籍過孫登蘇門山有長嘯亭而登
傳又云登在宜陽山有作炭人見之知非常人文
帝聞之使籍往觀與語不應按蘇門山在河北輝
縣宜陽山在河南宜陽縣兩傳不同及觀水經注

人

引臧榮緒晉書稱孫登嘗經宜陽山作炭犬覺其
神情非常咸共傳說太祖聞之使阮籍往觀與語
不應籍因大嘯求與俱去不肯籍別去登嘯始蕭
韶笙簧據此則兩人之嘯洵在宜陽矣而籍著大
人先生傳頌登寔言嘗居蘇門之山且孫綽高士
傳孫盛魏春秋皆言蘇門何晉書自為異同如此
命意籍遇登於蘇門作嘯別自一時而帝使籍觀
登當又是一事故晉書登嘯祇一見十籍傳而登

如

于

臧

見

傳祇言與語不應而已藏書以為一事遂記宜陽
而舍蘇門因以啟道元異同之惑也不然大人先
生傳晉書既載其繁矣豈未之全是顧於登傳相
齟齬乎

立國非恃兵力

魯將禦齊師於長勺曹劌問所以戰而公告之以
惠民信神乃知古之戰者必有所以非尽特師武
臣力也晉侯謀虢士苒曰虢公驕若駿勝必棄其

恃

驟

民無衆而後伐之欲禦我誰與夫礼衆慈愛戰所
畜也虢勿畜亟戰將餓齊仲孫湫自魯歸齊侯問
魯可取乎對曰不可猶兼周礼未可動也楚克鄭
鄭服請平左右以為不可許王曰其君能下人必
能信用其民矣庸可幾乎退三十里而許之古之
規國者率用此術未之或爽後古惟兵力之是尚
矣嗚呼古人豈誠欺人乎抑別有說也

晉臣論衣玦

晉侯使太子伐東山臯落氏公賜之偏衣金玦諸
臣從太子者遂推測圖度猜疑百端論說紛然有
類巫覡夫衣玦出君父之賜豈有異意而諸臣私
譏知此使夫子聞之而生心豈事人之善道乎釁
自下開豈惟姬兵速太子之死者狐突罕夷諸人
也

齊桓伐陳

召陵之盟齊侯將歸陳臣轅濤塗調鄭申侯日師

道

出於陳鄭之間國心甚病若出於東方循海而歸其可也申侯曰善濤塗以告齊侯許之申侯見曰師老矣出於東方而遇敵懼不可用若出於陳鄭之間共其資糧靡屨其可也齊侯乃怒濤塗之請出東方而執之遂伐陳張子曰師出他境紓陳亦紓鄭也何申侯面善濤塗之言而復背之凶燦傾險若此非人心矣齊桓顧入其諂囚濤塗而怒未殄用師其國盟主若此豈緜小國之遺乎桓洵賢

主必當怒申侯之譎而賞濤塗之忠耳

魏孝文好文

人主好文大是美事然不得有所暱古今執周禮而病國者皆以暱而偏也魏孝文性好學群臣揣其意尚進說無不稱引古人多見聽納其攻齊也齊遺崔慶遠問師故魏主責以虜立且以霍光虜昏立明亦不自篡詞甚極正及聞慶遠曰武王伐紂不豈微子不為貪天下遂大笑厚賜而遣之是

曰

遣

若

甫

帝不論是非惟問引古之言則喜此好文而偏者也若崔挺掉書袋帝為除通亡緣坐法自是善政其悅齊臣之言則大舛

其意孫巨源

揚用修曰孫洙字巨源常注杜詩今注中洙曰者

詩

是也胡元瑞正之曰注杜詠者王洙字原叔今序

杜

詠下同

載杜集中謂孫洙者悞元瑞因附載孫洙事洙嘗從劉貢父乞墨吏悞送孫莘老二人皆髯同在館

未

足

由

職故悞於是館中以大髯孫學士小髯孫學士別之元瑞戲評曰巨源生前之墨既為莘老所留死後之辭復為原叔所奪何一姓一名觸處不利耶聞者大笑然質用修之語則巨源奪原叔之詞原叔未嘗奪巨源也文人興至涉筆偶爾紕悞如漱石枕流不是為異

子必晉論

蘓頌濱晉論謂死傷戰鬪匹夫之所輕而士大夫

載

天

夫 勞 軋

不忍以其身試彼以死傷敵闕要我而我不能應
則無怪天下之至於亂晉之君子高談揖讓而畏
兵革之事是以天下之英雄知其所忌而竊乘之
此其病起於自處太高而不習人下之辱事也余
謂此論非矣晉之敗由於惠帝之愚之則凶人得
藉之以為奸而君子不能以自立必至權勢相礼
大獄大兵出之以起雖使在朝之臣皆習於勢辱
豈有濟哉大堅瑕在心不在力使武帝之後君明

從 厭 流 本

徵

臣良張華衛瓘輩得行其志而買石不能于政雖
鳴玉於廟堂橫經於講席而人心寧固亂何從生
天猷晉德寔生懃駭太阿不能操而骨肉瀝相遂
訖天命賴濱乃歸咎于不習辱事可謂失其奉矣

邵子数学

邵康節通術數見於載籍者屢有明徵乃宋史曰
雍知慮絕人遇事能前知當時學者因謂雍於凡
物聲氣之所感觸輒以其動而推其變於是據世

喪共

數史

魏

言繫脫

誦經刑

謾人世

事之已然者皆以雍言先之雍蓋未必然也雍疾

病司馬光張載程顥願其議堯舜事於外庭雍皆

能知衆人所言史言如此固不能沒其實矣然巧以

為術衆之學不可為訓故以未必然解之此作也

之体宜爾也陋我沈約魏收之為史也收撰疑書

右慮景裕裕紫晉陽獄誦佛經而鎖械自脫又有人

負罪當死夢沙門教誦經覺時誦千遍刑同刀又

自折約撰宋書言王元誕將列夢天告曰誦觀偈

音千遍則免覺而從之果獲免此豈有識之言乎

程正叔答見以道書願與堯夫同里巷居三十年

餘世間事無所不論惟未嘗一字及數耳程明道

為康節作墓誌銘亦絕不語及數學儒者持論固

應如此

魏王不喜顯諫

魏文成帝調群臣曰君父一也父有過子何不作

書於衆中諫之而於私室屏處諫者豈非不欲其

晁

謂


父之惡彰於外耶至于事君何獨不然張子曰魏
主言悞矣子諫父於私室者不欲彰於外人耳未
嘗屏室內兄弟也內外臣民皆君之子固同室懿
親也人君以天下為室即上表顯陳豈為彰君之
短乎設有同室弟兄而獨屏人與家長私語轉為
非宜耳

鄮字音義

鄮字有兩音在五歌韻者音嵯在十五翰韻音贊

其字出於周禮而後為地名字書於兩韻訓釋皆
同蕭何封鄮侯此嵯音也揚詩云麒麟閣上識鄮
侯是也而袁中郎詩云摩^肩看^肩盡冠簪呵呼接留鄮
空天蔽帟裳高衢泥馬汗自注云鄮嵯贊二音皆
可讀漢書音贊今考漢書地理志在南陽有音贊
在沛者音嵯何之封邑非跨兩郡非可迭稱也唐
去漢未遠何封音嵯揚必非妄中郎謂可通用者
悞耳

雲谷卧餘卷八終



Faint vertical text columns, likely bleed-through from the reverse side of the page.

